



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

VIII. Die Markgrafen Woldemar und Johann geben der Stadt
Neu-Landsberg das Recht für den Damm bei der Stadt ein Wegegeld zu
erheben, am 20. Mai 1316.

Nutzungsbedingungen

[urn:nbn:de:hbz:466:1-55359](https://nbn-resolving.org/urn:nbn:de:hbz:466:1-55359)

Cisterciensis et fratribus in Creberstorp, eiusdem ordinis libertates ac proprietates quinque villarum subscriptarum videlicet Clodow, Zanzin, Henrikestorp, Martinstorp et Loppow cum omnibus agris cultis et incultis, nemoribus, silois, venationibus, paludibus, pratis, pascuis, molendinis jam constructis et processu temporis construendis, aquis, stagnis, riuis, piscationibus, terrifodinis, salinis seu cuiuscunque utilitas fuerit eris et minere cum omnibus usufructibus et prouentibus, cum iure patronatus ecclesiarum in villis premissis ac omni iure iurisdictione iudicio maiori et minori absque omni seruitio communi et priuato, cum omnibus immunitatibus et libertatibus, quas omnes ecclesie ordinis premissi in nostris districtibus constitute noscuntur habere, iusto libertatis ac proprietatis titulo in perpetuum possidendum, cum omnibus distinctionibus et limitibus et generaliter cum hiis omnibus et singulis que infra et citra limites ipsarum villarum continentur. Renunciantes omnibus premissis iuribus et proprietatibus quoad nos et heredes nostros nichil iuris in bonis ipsis nobis et successoribus nostris penitus reseruantes. Seruitia quoque dextrariorum de bonis ipsis nobis exhibenda non auferent que nunc de bonis ipsis sunt prestanda nisi de nostra speciali voluntate procedat. Addiimus etiam, quod ipsi fratres XII mansos in uilla Clodow prefata absque omni precaria pheudi et hereditatis libere possidebunt. Proinde venerabilis Dominus Henricus, Abbas ecclesie Colbazensis prefatus, dedit et persoluit nobis trescentas Marcas argenti Brandenb. in pecunia numerata, de quibus ipsum Abbatem et confratres suas quitos reddidimus in hiis scriptis. Protestamur etiam, quod per huiusmodi nostre indulgionis formam concessit ipsis fratribus non intendimus litteris, iuribus, utilitatibus et proprietatibus seu privilegiis ab illustri Marchione Alberto pie memorie concessis et indultis aliquatenus derogare. Ut autem premissa omnia inter nos et honorabilem virum prenotatum Dominum Henricum, Abbatem de Colbaz, ac suos confratres per magnificum principem Dominum Woldemarum, Marchionem Brandenburgensem, fororium nostrum dilectum, nostro nomine sub anno domini millesimo trescentesimo vndecimo in castro Spandow die dominica qua cantatur Inuocauit presentibus nostris fidelibus infra notatis ordinata et eorum quodlibet robur fortiatur perpetue firmitatis, presentes litteras dedimus nostro sigillo sigillatas. Testes huius facti sunt Dominus Gheuehardus, Fredericus iunior, Henricus dicti de Aluenfleue, Ludouicus de Wanzleue, Droyseko, noster Dapifer, et Johannes de Cröchern, eius filius, et Hermannus de Arneburch, nostre curie Notarius, pluresque alii fidedigni. Actum et Datum Spandow, anno domini millesimo trescentesimo quarto decimo, in die Beati Andree apostoli.

Nach Gercken's Cod. II, 316.

VIII. Die Markgrafen Woldemar und Johann geben der Stadt Neu-Landsberg das Recht, für den Damm bei der Stadt ein Wegegeld zu erheben, am 20. Mai 1316.

Nos Woldemarus et Johannes, dei gratia Brandenburgenses et Lusatie Marchiones, recognoscimus publice in his scriptis, quod propter specialem ciuitatis noue Landsbergk emendationem talem Consulibus ac vniuersitati ciuium ibidem presentibus et futuris donauit

mus et libera donatione donamus gratiam cum fauore, quod quicumque ex nunc et in antea aggerem dicte ciuitati adiacentem pertranferit equitando, dabit ipsis de equo quolibet denarium Brandeburgensem, exceptis nostrarum terrarum hominibus conditionis existentibus militaris atque personis spiritualibus, quas huius statuti debito astringi nolumus quoquo modo. Eo tamen adiecto modamine, quod vniuersos denarios, quos huius statuti pretextu collegerint, in refectionem et reparationem dicti aggeris et non ad vsum alium conuertere perpetuo teneantur. Et ne de hac nostra largitione ipsis per nos sincere concessa dubietas pullulet in futurum, hanc literam nostrarum sigillorum robore iussimus communiri. Testes quoque sunt illustris Domina Anna Ducissa Wratislauensis, nobilis vir Henricus, Comes de Luchou, Sloteko, nostre curie Dapifer, Buffo dictus Gruwelhut, Burchardus de Bertensleue, Petrus de Loffoue, Henningus de Vorland, milites, Euerhardus, prepositus in Stolpe, noster Capellanus, cum pluribus aliis fide dignis. Actum et datum in villa Lichterfeld, anno domini M^o. CCC^o. sexto decimo, in Ascensione domini.

Aus dem Landsberger Copialbuche No. V.

IX. Markgraf Woldemar sichert den Bürgern Neu-Landsbergs den Gerichtsstand vor dem Stadtschulzen für alle Angelegenheiten zu, am 8. April 1317.

Nos Woldemarus, dei gratia Brandenburgensis et Lusatie Marchio, recognoscimus et ad vniuersorum notitiam tenore presentium publice volumus peruenire, quod fideles nostros ciues ciuitatis noue Landesbergk in omnibus eorum iuribus et libertatibus, quibus hactenus usi sunt, vt in priuilegiis ipsorum desuper traditis euidenter exprimitur, conseruare volumus et fauorabiliter perpetuo conseruare, prepositos ciues etiam de toto ad nullum iudicium prouinciale extra ciuitatem predictam trahi volumus occasione causarum quarumcunque. Sed omnes cause contra predictos ciues mouende agitari debent coram predictae ciuitatis prefecto, Consulibus et scabinis. In cuius rei testimonium euidentis nostro sigillo munitum dedimus presens scriptum, cuius testes sunt nostri fideles, Conradus de Wedel, Otto et Henricus Schenkiones de Schenkendorp, Slotheco, dapifer, Fritzo de Aluensleuen, Johannes de Crochern, Henricus de Rochou, milites, cum multis aliis fide dignis. Actum et Datum in Spandowe, anno domini M^o. CCC^o. septimo decimo, feria sexta post diem beati Ambrosii.

Aus dem Landsberger Copialbuche No. VI.